


BELA



Jose Luis Ugarte.

**Jose Luis Ugarte:  
Hamar egunerako  
gasoila daukat**

DONOSTIA

Jose Luis Ugarte bizkaitarra-  
ren 'Euskadi Europa 93-BBK'  
untzia Ipar aldera doa zortzi bat  
korapiloetara eta une hauetan  
debaldean dago. Herenegun  
Ugarte helmugara iristeko 15  
edo 20 bat egun falta zaizkiola  
zioen. «Beti bezala, haizea non-  
dik etorri, horren menpe egon  
beharko. Mendebalde-Iparmen-  
debalde jarritz gero, hamar  
egunetan iritsi naiteke. Azkene-  
ko astean bezala, lo egiteko or-  
duan geratu egin beharko dut,  
pilotu automatikoen baterietara-  
ko gasoilik ez dudalako eduki-  
ko».

Gasoila apurka-apurka gasta-  
tzen ari zaio euskal nagibariari.  
«Eguzkiak jarraitzen badu, ba-  
terik betetzeko eguzki panelak  
erabiltzeko aukera izango dut eta  
gasoilak gutxienez hamar egun  
irautea espero dut», zioen here-  
negun Ugarte.

Jakien aldetik, arrain hegala-  
ri franko harrapatzen jarraitzen du.  
«Larunbatean 30 harrapatu ni-  
nuen eta, beraz, bankete ederra  
izan nuen».

Ugarteren aurretik doan Nan-  
dor Fa-k oso nekatuta dagoela  
esan du. Hala ere, euskal nabiga-  
tza harrapatzeko gai ez dela  
izango adierazi du, «beste urte-  
bete nabigatzen jarraitzeko gau-  
za da. Ni bezala, psikologikoki  
nekatuta egongo da, bukatzeko  
gogoekin, baita batere mesederik  
egin ez digun haize honengatik  
nekatuta ere».

**«ANIMOZ OSO  
ONGI NAGO  
BAINA...»**

«Euskadi Eu-  
ropa 93-BBK»  
untziaren gi-  
matuago dagoela dio, «baina fal-  
ta zaidana beste gauza batzuk di-  
ta».

Helmugara heltzeaz dagoena  
Yves Parlier da. Egun hauetan  
bere amaren urtebetetzea zen eta  
zoriontzeko astirik ere izan du.  
Azken egunetan bale handi bat  
bere ondoan joan dela adierazi

PILOTA


## Maiz: «Epailearen deskuidoak itsustu egin zuen finala pixka bat»

«Hurrengo urtean ere saiatuko gara seigarren txapela lortzen»

**M**artin Alustiza eta  
Antton Maizek  
eskuratu zuten Asegarek  
antolatu duen Eskuz  
Binakako Txapelketa  
ofizialeko txapela. Igandean  
Ogetan jokatuak finalean,  
22-20 nagusitu ziren Titin  
III-Arretxeren kontra.  
Antton Maiz beteranoak  
partidu ona egin zuen  
Arretxeren aurka, eta  
bostgarren txapela irabazi  
zuen binakako txapelketan.

JUAN KRUIZ LAKASTA / IRUÑEA

125 minututan 1.582 aldiz jo  
zuten pilota Alustiza, Maiz, Titin  
eta Arretxek Eskuz Binakako  
Txapelketako finalean. Dudarik  
gabe final ikusgarria izan zen, eta  
Maiz II kontent ageri da lortutako  
txapelarekin, baina ez du ukatzen  
20. tantoak garaipena zertxobait  
ilundu zuela. «Finala izan zen oso  
gogorra, eta polita ere, tantu po-  
litak ere izandu ziren. Bakarrian  
pixka bat itsustu zuen 19 eta 20  
ari ginen tantu horretan juezak  
deskuido bat izandu zuela». Des-  
kuido hori, dena den, ulergarria  
dela uste du Arantzakoak. «Nik  
uste hori normala dela. Hor jue-  
zak, eta futbol partidu batean ar-  
bitroak, eta gauza guztietan des-  
kuido bat izatea normala da. Hor  
gure alde tokatu zen, eta horrek  
mesede egin zigun». Dena den,  
bestela ere garaipena lor zezake-  
tela azpimarratu du Maizek.  
«Bestela ere 19 eta 20 ginen, eta  
bai, fabore handia egin zigun. 21  
eta 19 izatetik 20-20 berdindu-



Lehen baino bi koadro gutxiago jo arren, defentsa bikaina du Maizek.

ta izatera, fabore handia da hori.  
Baina, bestela ere nik uste ira-  
bazten ahal zela partidua».

**«ONGI  
DEFENDITZEN  
NAIZ»** Arantzako atze-  
lariak ederki  
egin zion aurre  
Arretxeri, eta Luzaidekoak  
agindu bazuen ere, defentsan on-  
gi eutsi zion Maizek. «Urteak ez  
dira debalde pasatzen, eta ez dut  
duela hamar urte bezala pilota  
jotzen, bi koadro gutxiago jotzen  
ditut. Baina, bestela defenditu  
nintzen». Hori dela eta egindako  
lanarekin gustura dago Maiz,  
«Arretxeren kontra ondo defen-  
ditzea lan ona egitea baita. Ongi  
defenditzen naiz, gutxiago joz,  
eta ibili ere nahiko ongi ibiltzen  
naiz, eta oso gustura nabil». Dena  
den, aurreko koadroetan erabaki

zen norgehiagoka, eta zona ho-  
rretan Alustizak lan itzela egin  
zuela azpimarratu du Maizek.  
«Asko jokatu zuen. Defentsan  
batez ere oso ongi jokatu zuen,  
eta partidu ona egin zuen. Aurre-  
lariak, laurak ere bai, baina au-  
rrelariak batez ere oso partidu  
ona egin zuten».

Igandekoa Maizek eskuz bi-  
naka lortu duen bostgarren tx-  
apela izan zen. Arantzako atzela-  
riak 41 urte baditu ere, sasoi be-  
te-bete dago, eta seigarren tx-  
apela eskuratzeko lan egiteko as-  
moa dauka. «Hemendikan urte-  
betera zer gertatuko den esatea  
zaila da. Bostgarrena behintzat  
lortu dut, eta seigarrena lortzen  
ere saiatuko gara. Oraingoz  
behintzat badugu segitzeko as-  
moa».

HERRI KIROLAK

## Iñaki Perurena bi marka hausten saiatuko da Azpeitiko zezenplazan

DONOSTIA

Iñaki Perurena harrijasotzaile  
leitzarria bi marka hausten saia-  
tuko da apirilaren 3an Azpeitiko  
zezenplazan jokatu den 'Eus-  
kadi Irratia markak hobetzen'  
jaialdiaren barruan. Nafarrak 264  
kilokoa jaso nahi du esku baka-  
rrez eta 316 kilokoa, berriz, bi  
eskuekin. Beraz, Perurenak inoiz  
inork orain arte egin ez duen zer-  
bait egiteko prest dago, egun be-  
rean bi marka desberdin ezartzea  
alegia.

37 urteko kirolari hau bere bi-  
zitzako momenturik onenean  
dago. Azken bi hilabeteetan go-

gor entrenatu da, eta Azpeitian  
marka horiek lortzeko sasoi-sa-  
soian ageri da.

**SARALEGIREKIN  
AKORDIORIK EZ  
DA LORTU**

Euskadi Irra-  
tiko ardura-  
dunek Migel-  
txo Saralegi ere jaialdian aritzea  
nahi zuten. Saralegi eta Perure-  
nak, elkarrekin 316 kiloko marka  
ezartzea zen beren desioa, eta bi  
harrijasotzaileak ere ados zeuden  
horretan. Honenbestez, Migeltxo  
Saralegik aurretik ezarritako hel-  
burua bete ahal izango zukeen,  
Perurenaren markara heltzea  
hain zuzen ere.

Azken orduan, ordea, 'Euska-

di Irratia markak hobetzen' saio-  
ko antolatzaileak eta Migeltxo  
Saralegi ez ziren ados jarri dirua-  
rekin, eta Saralegik ezezkoa  
eman zuen atzo bertan.

Beraz, Iñaki Perurena izango  
da marka hobetzen saiatuko den  
bakarra. Dena den, jaialdi bikai-  
na ikusteko aukera izango da,  
Perurenaz gain Martin Fiz araba-  
rra ere bertan izango baita, Ma-  
riano Haroren marka hobetzen  
saiatzeko.

Jaialdiaren aurkezpena hilaren  
30ean egingo dute Donostiako  
Gastronomia elkarteak. Bertan  
izango dira Iñaki Perurena eta  
Martin Fiz ere.

LABURREAN

## BAKEROrenhutsunea nabarmena izango dela dio Clementek

Estatu Batuetako  
Mundialerako sailkatu asmoz  
Espainiako selekzioak  
Danimarkaren aurka jokatu-  
ko duen partidurako Joxemari  
Bakero lesionatuaren «falta»  
sentituko duela adierazi zuen  
atzo Javier Clementek.  
«Haren hutsa garrantzitsua  
da. Nortasun handiko  
jokalaria da, eta borrokarako  
grina kutsatzen die  
taldekideei. Lesionatuta ere  
selekzioan egon beharko  
luke» ●

## ZAMORANO fitxatu ala ez aztertzen ari da Bayern

Alemaniko futbol  
txapelketako liderra, Bayern  
Munich, Ivan Zamorano  
aurrelari txiletarra fitxatu ala  
ez aztertzen ari da, 'Kicker'  
kirol aldizkariak atzo  
argitaratu zuenez. Real  
Madrid taldeko aurrelaria  
ikustearren, iragan  
ostegunean Karl-Heinz  
Rummenigge, Uli Hoeness  
eta Erich Ribbeck  
—Bayerneko  
lehendakariordea, gerentea  
eta entrenatzailea— Parisen  
izan ziren, aldizkari horrek  
ziurtatu duenez ●

## XAKE Mundialerako eskaintza onena egin zuten atzo

Gari Kasparov errusiarrak eta  
Nigel Short britainiarren  
arteko Munduko Xake  
Txapelketako finala  
antolatzeko orain arte egin  
den eskaintza onena egin zuen  
atzo bere nortasuna agertu  
nahi izan ez duen erakunde  
batek. Kasparov eta Shortek  
non jokatzea nahi duen ere ez  
du ezagutarazi erakunde  
horrek ●

## CRENSHAW garaile Orlandoko golf txapelketan

Ben Crenshaw  
estatubatuarra irabazi du  
Orlandoko golf txapelketa,  
280 kolperek. Rocco  
Mediate eta Davis Love II  
herkideek eta Vijay Singh  
fijiarra baino bi kolpe  
gutxiago behar izan ditu  
Crenshawek Orlandon. PGA  
sailkapenean, bestetik, Nick  
Faldo britainiarra lider  
jarraitzen du eta Olazabal  
zortzigarrena da ●